

# Kasih ibu tiada bandingan

Metro (Addis)

Khamis 31/1/17

nus 26

## Pengorbanan Zaidah untuk anak istimewa sentuh kalbu



KELUARGA SYURGA

Oleh Mohd Rizal Azman Rifin

**K**ejayaan seorang anak sehingga mampu menggenggam skrol ijazah pada majlis konvoysyen di menara gading adalah saat yang dinanti-nantikan ibu bapa. Hati siapa yang tidak gembira tatkala menyaksikan si anak melangkah penuh tertib menerima segulung ijazah.

Terlerai segala susah pahay membesar dan memelihara si anak. Hanya air mata menitis tanda kesyukuran kepada Yang Maha Esa bahawa anak kesayangan menjadi seorang terbilang dalam pelajaran.

Kita juga mungkin pernah menyaksikan bagaimana bersemangatnya ibu bapa dan ahli keluarga menghantar anak masing-masing ke kampus sewaktu hari pendaftaran pengajian di universiti. Ia adalah situasi lumrah setiap tahun.

Namun, apabila menap satu laporan berita mengenai kejayaan seorang gadis yang menghidap penyakit dikenali sebagai 'Spinal Muscular Atrophy' (SMA) menggamit hati kita untuk mengikuti paparan itu dengan lebih mendalam.

Tentu hati kita menjadi sayu bercampur bangga melihat gambarnya yang terpampang sewaktu menerima ijazah daripada Tengku Mahkota Pahang, Tengku Abdullah Sultan Ahmad Shah yang juga se-laku Canselor Universiti Malaysia Pahang (UMP).

Kewibawaan anak keling negeri Tok Gajah itu, Siti Hawa Apandi, 24, menarik tumpuan khalayak di dalam dewan konvensyen. Masing-masing terpaku sejenak menyaksikan kehebatan seorang insan istimewa yang berkerusi roda itu.

Inilah yang dikatakan caca fizikal tidak bermakna semuanya terbantut. Anugerah Allah begitu luas dan setiap hamba-Nya dikurniakan dengan kelebi-

han tersendiri. Hakikat itu dibuktikan sendiri oleh Siti Hawa.

Kesungguhan dan keajaan beliau wajar dijadikan pengajaran buat kita semua. Ibu beliau, Zaidah Tamjis, 50, sanggup bersamanya di kampus. Ini menggambarkan betapa kasih dan caknanya si ibu terhadap seorang anak.

Susah getir ditempuhi, waktu dan tenaga dicurahkan demi kejayaan anak dicintai. Begitulah kasih seorang ibu yang tak sanggup menyisihkan nasi beras masa depan anak sendiri walaupun mengelamai kecacatan fizikal.

Justeru, mereka yang selama ini memandang rendah terhadap keupayaan anak 'istimewa' haruslah mengutip ikhtibar darip-

berkatnya memelihara dan menjaga anak istimewa dan inilah kurniaian nikmat kepada seorang ibu yang tidak meminggirkannya.

Sesungguhnya, Allah Maha Melihat dan Dia melihat setiap derap langkah ibu Siti Hawa yang bernama Zaidah Tamjis dan insya-Allah kita amat yakin bahawa setiap langkah dihayun demi memimpin kerusi roda anaknya ke bilik kuliah saban hari itu diberikan ganjaran pahala di sisi Allah.

Siti Hawa meskipun sedang dililit nikmat kejayaan gemilangnya, tetapi mulutnya tidak pernah sunyi melafazkan kesyukuran dan terima kasih kepada jasa dan pengorbanan ibunya. Ini satu lagi

jayaan itu.

Kasih sayang dan pengorbanan tulus murni ibunya dan ketabahan di dalam diri diaudun dengan rapi sehingga seribu rintangan yang mendatang semuanya mampu ditempuhi dengan tenang.

Benarlah sebagaimana sabda Nabi SAW: "Tiada rezeki yang Allah berikan kepada seseorang hamba yang lebih luas baginya daripada sabar." (Hadis riwayat al-Hakim)

Malah, berkait ketabahan dan sikap sabar dalam menempuh segala duaga hidup, dua beranak itu akhirnya Allah kurniakan kejayaan yang diimpikan.

Si ibu sudah tentu terselit sikap tidak mudah putus asa dengan rahmat Ilahi, meskipun menyedari bu-



da sikap ibu Siti Hawa itu.

Mari kita hayati apa luaran hati Siti Hawa terhadap bakti suci ibunya selama berada di kampus.

"Untuk mendapatkan buku rujukan atau apa sahaja, saya perlukan ibu. Di dalam tubuh ibu ada saya sebenarnya."

Inilah testimoni seorang anak terhadap kasih sayang dan pengorbanan seorang ibu sehingga berupaya mengecapi kecermerlangan dalam akademik.

Kata beliau lagi, ibunya adalah segala-galanya buat dirinya, malah tidak pernah berpisah denganannya walaupun sehari sepanjang enam tahun pengajian di UMP, sehingga sangat di kenali dalam kalangan kakitangan dan pensyarah. Inilah yang dikatakan

contoh sikap seorang anak yang mengenang budi dan sedar akan hakikat diri. Renungi kata-kata berkenaan dan yang pastinya jiwa kita akan terkedu seketika mengenangkan sikap kita sebagai ibu bapa selama ini.

Kata beliau: "Saya berterima kasih kepada ibu yang tidak pernah jemu membantu saya bergerak ke bilik kuliah dan tempat lain di universiti ini dan bertekad membuktikan orang seperti saya mampu belajar hingga ke menara gading."

Anak yang baik meskipun cacat fizikalnya insya-Allah akan tetap di berkat Allah dan kejayaan Siti Hawa sebagai satu buktinya. Kombinasi kasih sayang dan ketabahan adalah tonik utama atas ke-

kan mudah untuk merealisasikan impian anaknya menggondol anugerah graduan gemilang.

Maka, benarlah juga pesanan Allah kepada kita semua agar tidak berputus asa dengan rahmat-Nya. Allah juga tidak akan mengubah nasib seseorang seandainya tiada usaha gihil yang penuh dinamik.

Jadi, kepada pembaca budiman, baca dan renungilah makna kasih sayang, kegigihan dan pengorbanan antara anak dan ibu itu. Jadikanlah ia sebagai pencetus semangat dalam mendidik dan membesarkan anak masing-masing.

**Penulis ialah Pensyarah Jabatan Kejuruteraan Mekanikal, Politeknik Muadzam Shah**